

LITERATURA. Azken hiru urteotan egunkarian argitaratu den informazioa antolaturik eta osaturik ageri da bertan

Euskal literaturaren gune berria sarean

Jendaurreko aurkezpen ofiziala egin zuten atzo Donostian, EGUNKARIAREN literatura web orrialdea erakusteko



GARI GARAIALDE / ARGAZKI PRESS

Kepa Sarasola, Juan Luis Zabala, Iñaki Uribe eta Martxelo Otamendi atzo aurkezpenean.

Arrese, Sendoako Joakin Berasategi, UEUko zuzendari Xabier Isasi eta Galtzagorri elkarteko Leire Ugalderekin. Ondorioz, iragarri baino beranduago hasi zen ekitaldia, baina adi-adi jarraitu zituzten ondoren www.egunkaria.com/literatura webguneko azalpenak.

Potentzialitate handikoa

«Pozik eta harro gaude eginiko lanarekin», adierazi zuen Iñaki Uribe aurkezpenearen hasieran. Webgunea literaturale eta literaturari buruzko kuriositatea dutenentzako dela esan zuen, izan ere, hainbat argitaletxeren web orrialdeekin lehiatu baino, irakurlego zabalarik eskaini nahi dioten gunea baita. «Ez dugu baztertzeko beste gaiekin buruz antzeko gune gehiago egitea, baina EGUNKARIAREN euskal kulturari lehentasuna ematen diogun bezala, literaturari eman diogu orain lehentasuna». Webgunea plaza irekia eta zabala izatea nahiko lukeela gaineratu zuen. «Idazleei eta euren lanari buruzko informazioa aurkitzeko modu erraza» dela esan zuen Martxelo Otamendik guneari buruz.

Webgunearen edukinaren arduradun, EGUNKARIAREN kultura saileko kazetari eta idazle Juan Luis Zabalak orrialdearen atalak banan-banan azaldu eta bere «potentzialitatea» azpimarratu zuen: «Azken hiru urteetan EGUNKARIAREN argitaratu ditugun euskarazko liburuei buruzko informazioa eta 47 idazleren fitxak jarri ditugu oraingoz. Hala ere, etorkizunean, sortuko diren lan berriei batera idazle gehiagoren fitxak sartuko ditugu».

Liburuen datuak, aurkeztu zireneko kronikak, idazleei eginko elkarrizketak eta kritikek osatzen dute obra bakoitzari buruzko informazioa. Finean, EGUNKARIAREN argitaraturiko informazioa jarri dute berrantolaturik, baita idazleen fitxetan ere, haien biografia eta bibliografiarekin batera. Kritika eta erreseinek jatorri bera dute, baina literaturari buruzko beste webgunetako kritikak irakurtzeko loturak daude. Eztabaida gunea, *Zeu idazle* eta *Idazle Gaztea* lehiaketa dira gunearen atal berritzaileak.

Hori guztia era jolasgarrian aurkeztu dutela esan eta erakutsi zuen Kepa Sarasola orrialdearen diseinatzaileak, irudiek lagundurik.

Ainhoa Oiarzabal | **DONOSTIA**

Liburu artean, Donostiako Koldo Mitxelena liburutegian, aurkeztu zuten EUSKALDUNON EGUNKARIAREN webgune berria: euskal literaturari buruzko gunea. Euskal idazle eta editoreen artean aurkeztu zuten berori Juan Luis Zabala web orrialdearen edukien arduradunak, Kepa Sarasola orriaren diseinatzaileak, Iñaki Uribe EGUNKARIAREN kontseilari ordezkariek eta Martxelo Otamendi zuzendariak. Aurkezpenearen aurretik, Txillardegi, Juan Kruz Igerabide, Edorta Jimenez, Joxemari Carrere, Ana Urkiza, Joxe Austin Arrieta, Antton Kazabon, Mikel Hernandez Abaitua, Juan Mari Lekuona eta beste idazle batzuk berriketa bizian jardun zuten euren artean eta KMera hurbildu ziren euskal kulturaren munduko gainerako lagunekin. Besteak beste, Eusko Jaurilaritzako Kultura Sortu eta Zabaltzeko zuzendari Joxean Arbelaitz, Zabaltzeneko gerente Jose Mari Sors, Elkarlaneako Xabier Mendiguren Elizegi, Xanti Jaka, Jon Jaka eta Olatz Osa, Txalapartako Gari Berasaluz, Ibaizabal argitaletxeko Itziar Osa, Jose Mari Esparza eta Iñaki Egaña, Susako Gorka

IÑAKI URIBE

EGUNKARIAREN Kontseilari ordezkarria

«Literaturari buruzko kuriositatea duen edonorentzat da webgunea»

JUAN LUIS ZABALA

Webgunearen edukien arduraduna

«Potentzialitate handiko gunea da. Oraingoz, azken hiru urteetako sorkuntza jarri dugu»

MARTXELO OTAMENDI

EGUNKARIAREN zuzendaria

«Idazleei eta beren lanari buruzko informazioa antolaturik aurkitzeko modu erraza da»



GARI GARAIALDE / ARGAZKI PRESS

Pantaila handian erakutsi zituzten webgunearen atalak.